

Kunnijättum Suomâ president, Suomâpele sämitige president já tige jesâneh já pyereh kyesih!

Ruotâpele sämitige peeleeest tuáivum et kieskâd väljejum Suomâpele sämitige jesâneh nanosávt já puorijn movttáin ovdedeh säämi aasijd Suomâbeln. Mij, kiáh lep peessâm sämitigij jesânin, lep uázžum luáttámuš jieččân aalmugist nanodiđ já ovdediđ sämmilij eellimtile, kulttuur já kielâ.

Mij peessâp meid Säämi parlamentaarlâš räáđi pehti porgâđ oovtâst staatâraajij rasta. Sämitiigijn lii jieškote-uvlágán lavâlâš vuáđu já status staatâi stivrim iähtun. Ruotâpele sämitigge lii ovdâmerkkân haldâttâs vuálásâš orgaan. Nuuvt ij lah Taažâ ige Suomâbeln. Sämitigeh iä še väljejuu siämmáanáál. Ruotâbeln mist láá käävci piäláduv tiggeest já ubâ staatâ lii ohtân valjimkuávlun. Taažâ já Suomâbeln láá oppeet valjimkuávluh. Toos lasseen láá tuše Suomâbeln ovtâskâs ulmuuh iävtukkâssân já nuuvt leppedä tääi, Suomâpele jesâneh, oovdâstmin jieijâd sämpolitiiklâš uáinu mii tääi pyereest ovdâstuvvoo ohtân politiikkân já toimân. Ruošâpele Säämist sämitigge ij lah vala virgálávt tuhhiittum, veikkâ lii vuáđudum. Ruošâpele sämmiliih láá mielâ mii parlamentaarlâš oovtâstpargoost jieijâs seervij pehti.

Sajos, lii tääi ceggânâm já vihkoo Suomâ sämmilij kuávdássaijeen eidu táágu kogo olmoošjotoluvah lánuduvâst, Suáđigilist já Ucjjuuvâst čonâseh oohân tást Anarist. Mij tuáivup et Suomâ sämitigge tääi lii uázžum uáinojeijee já vuovâs saje jieijâns toimáid já čuákkimáid. Ruotâ sämitige peeleeest vuárdám peessâđ puáttiđ teehi távjá puátteeäigist uázžuđ šiev ravvuid, šietâdállâđ já toohâđ oovtâstpargoost ohtsijd miärádásáid.

Mušton onnáá piáiván mij adelep meid uccâ skeeŋkâš. Tyeje lii Ulrika Tapio Blind máálám já tast lii nommân "Násttit" (täsnih).

Šiev lukko!